

# **REFERAT US - Utoqqaat siunnersuisoqatigiiffiat d. 31-03-2022**

**Mødedato** Torsdag d. 31. marts 2022 kl. 19:00

**Mødested** Kommunip allaffiani byrådsal-imi

# Indholdsfortegnelse

Imaqarniliaq.....	3
-------------------	---

**Punkt .: Imaqarniliaq**

# Utoqqaat pillugit Siunnersuisoqatigiit ataatsimiinneranni imaqarniliaq

*Sisamangorneq ulloq 31. marsi 2022, nal. 15:00.  
Sumi: Kommuniq allaffiani byrådsal-imi*

## **Ataatsimiinnermi peqataasut:**

Marianne Jensen, Siulittaasoq  
Mina Lorenzen, Siulittaasup tullia  
Kirsten Holm, Ilaasortaq  
Jakob Thorsen, Ilaasortaq  
Mikael Ludvigsen, Ilaasortaq  
Dorthe Josefsen, Sinniisoq  
Daniel Blytmann, Sinniisoq  
Arnannguaq Heilmann Christiansen, Utoqqarnut Sullissiveqarfimmi fagcheffi  
Inge Olsvig Brandt, Isumaginninnermut Suliffeqarnermullu Ataatsimiititaliami siulittaasoq  
Kirsten Johnsen, Oqartussaqaarfimmiit immikkoortortami aqutsisoq  
Siverth Hansen, Pisartakkanut Isumaginnittarfimmii kontorfuldmægtigi  
Kathrine Hansen, Pisartakkanut Isumaginnittarfimmii kontorfuldmægtigi  
Naja Anelouise Heilmann, Allatsi

## Imaqarniliaq

### **1. Oqaluuserisassat akuerineqarnerat**

Oqaluuserisassat taamatut isikkoqartillugit akuersissutigineqarput.

### **2. Kingullermik ataatsimiinnermi imaqarniliap akuersissutigineqarnera – ulloq 16. decembari 2021**

Akuersissutigineqarpoq imaqarniliaq kalaallisut nutserneqarnikuunera siulittaasumit iluarsaanneqarnikoq, ilaasortanut akuerisassanngorlugu nassiunneqassasoq.

### **3. Ilisimatitseqatigiinneq**

#### **3.1 Siulittaasumit**

- 3.1.1 Siulittaasoq tikilluaqqusivoq peqataasunut. Immikkut tikilluaqquneqarput allatsi nutaaq, Isumaginninnermut Suliffeqarnermullu Ataatsimiititaliami Siulittaasoq kiisalu Utoqqarnut Sullissiveqarfimmi fagcheffi. Siulittaasup nuannaarutigaa

ataatsimiinnermi matumani ilasseqatigiinnissamut Isumaginninnermut Suliffeqarnermullu Ataatsimiititaliami Siulittaasoq peqataarusussimammat.

3.1.2 Oqaluuserisassatut siunnersuutit marluk nassiunneqartut ataatsimiinnerup tullianut nuutsinneqarput, pissutigalugu oqaluuserisassat naammassereertut nassiunneqarmata.

Ataatsimiinnerup tulliani Utoqqaat pillugit Siunnersuisoqatigiit suleriaasaannut atatillugu eqqartorneqassaaq oqaluuserisassatut siunnersuutit qaqugukkat nassiunneqareertassanersut.

### 3.2 Ingerlatsivimmit

Utoqqarnut Sullissimeqarfimmi fagchefti paasissutissiivoq Covid-19 pissutigalugu killersuinerup nalaani massakkullu utoqqarnut sullissineq pillugu.

### 3.3 Allanit

3.3.1 Ilaasortamit apeqquteqartoqarnera akissuteqarfigalugu Utoqqarnut Sullissimeqarfimmiit fagchefip utoqqarnut sullissinnermi anguniakkat suunersut saqqummiuppai.

## **4. Isumaginninnermut Suliffeqarnermullu Ataatsimiititaliami siulittaasorlu ilasseqatigiinneq**

Ilasseqatigiinnermi ataatsimiinnermi najuuttut tamarmik naatsumik imminut ilisaritipput. Utoqqaat pillugit Siunnersuisoqatigiinni siulittaasup erseqqissaassutigivaa, siunnersuisoqatigiit angusaqarluassappata Isumaginninnermut Suliffeqarnermullu ataatsimiititaliamiit siulittaasorlu qanimut attaveqatigiittarnissaq pingaarutilipilussuusoq. Naapeqatigiinnermi siunertaassaaq suliat killiffiinik paasitsineq, suullu politikerinut apuussassatut piukkunneqarnerisut.

Isumaginninnermi Suliffeqarnermullu Ataatsimiititaliami siulittaasup unammilligassat assigiinngitsut eqqaavai utoqqarnut tunngasut, erseqqissaassutigalugulu pingaartillugu Utoqqaat pillugit Siunnersuisoqatigiit siunnersuisoqatigiittut siunnersuusiornikkut siunnersuutinik ataatsimiititaliamut anngussisarnissaannut.

Isumaginninnermi Suliffeqarnermullu Ataatsimiititaliami siulittaasoq ilasseqatigiinnerup kingorna ataatsimiinnermit ingerlavoq, ilasseqatigiinnermi taamaallaat peqataasussaagami.

## 5. **Kommuneqarfik Sermersuumi utoqqarnut inissialiorneq**

Utoqqarnut Sullissiveqarfimmi fagcheffi paasititsissutigivai Kommuneqarfik Sermersuumi:

- Utoqqarnut inissiat sanaartukkat aallartinneqareernikut
- Utoqqarnut inissiat sanaartornissaannut pilersaarutigineqartut
- Utoqqarnut inissiat sumiffii, sulisoqarnerlu
- Utoqqaat Illuini utaqqisut allattorsimaffiata killiffii

Saniatigullu paasititsissutigalugu puigortunngorneq pillugu paasissutissiineq pilersaarutigineqartoq.

Paasissutissiineq qujarunneqarluni tusaatissatut tiguneqarpoq.

## 6. **Sulinermi utoqqalinersiat ilanngaanneqartarneri**

Isumaginninnermut Suliffeqarnermullu Ingerlatsivimmi Oqartussaqaarfimmiit saqqummiisoqarpoq.

Saqqummiunneqarput suut inatsisit tunngavigalugit utoqqalinersiat ilanngaanneqartarnerisut, ilanngullugu sulisimareernerup kingorna aammattaaq qanoq qanoq naatsorsueriaaseqartarnerisut.

Paasititsissutigineqarpoq pilersaarutigineqartoq utoqqalinersiat saniatigut isertitaliit allakkatigut tusarniaaffigineqartalissasut, isertitat tungaatigut allannguutit nalunaarsorneqarniassammata.

Paasissutissiineq qujarunneqarluni tusaatissatut tiguneqarpoq.

Mikael Ludvigsen qulequtaq eqqartorneqareermat ataatsimiinnermiit ingerlavoq allamik pisassaqaarnini tunngavigalugu.

## 7. **Utoqqarnut kisimiittunut pulaarneq**

Akuersissutigineqarpoq ataatsimiinnerup tullianut oqaluserisassatut kinguartinneqassasoq teknik-ikkut ajutoorneq peqquataalluni.

## 8. **Utoqqarnut namminneq angerlarsimaffiminni najugaqartunut kisitsisitigut takussutissat**

Utoqqarnut Sullissiveqarfimmi fagcheffi paasititsivoq Kommuneqarfik Sermersuumi utoqqaat namminneq angerlarsimaffiminni najugaqartut qassiuneri Kommuneqarfik Sermersuumi kisitsisaatigineqanngitsut.

Utoqqaat pillugit Siunnersuisoqatigiit aalajangerput Namminersorlutik Oqartussanut allakkatigut apeqquateqaatigineqassasoq paasissutissat ujartorneqartut pillugit.

## **9. Aalajangersakkanik ilisimatitsisarneq Utoqqaat Kattuffianiit, Utoqqaallu**

### **Illersuisuaniit**

Utoqqaat pillugit Siunnersuisoqatigiit aalajangerput Nunatsinni Utoqqaat Kattuffiat aammalu Utoqqaat Illersuisuat ataatsimiinnissamut aggersarneqassasut. Naapeqatigiinnermilu eqqartorneqarsinnaapput ilisimatitseqatigiittarnissaq qanoq isilluni piviusunngorsinnaassanersoq.

## **10. Utoqqarnut tikikkuminartuutitsinissaq pillugu tusarniaaneq**

Utoqqaat pillugit Siunnersuisoqatigiit aalajangerput inaarutaasumik akissummik akissuteqarumaarlutik. Akissuteqarnissamut killigititaasoq paasinarneqassaaq, ataatsimiinnerup tullissaanut qaqqinneqaqqissinnaanersoq paaserusullugu.

## **11. Ukiumut pilersaarutit 2022**

Utoqqaat pillugit Siunnersuisoqatigiit akuersissutigaat ullut ataatsimiiffissat siunnersuutigineqartut, tassaasullu:

Sisamngorneq ulloq 31. Marsi 2022, nal. 15:00-17:00.

Sisamngorneq ulloq 30. Maaji 2022, nal 15:00-17:00.

Sisamngorneq ulloq 29. Juuli, nal. 15:00-17:00.

Sisamngorneq ulloq 29. Septembari 2022, nal. 15:00-17:00.

Sisamngorneq ulloq 24. Novembari 2022, nal. 15:00-17:00.

Isumaginninnermut Suliffeqarnermullu Ataatsimiititaliaq ukiumoortumik ataatsimeeqatiserinera.

## **12. Workshop**

Utoqqaat pillugit Siunnersuisoqatigiit aalajangerput workshop ataasinngorneq ulloq 9. maj 2022 ingerlanneqassasoq.

Tassani Utoqqaat pillugit Siunnersuisoqatigiit suut suliniutigissaneraat allatorneqassapput pingaarnersiorneqarlutillu.

Suliniutigineqartussat siunnersuutitut Isumaginninnermut Suliffeqarnermullu

Ataatsimiititaliaq ukiumoortumik ataatsimeeqatiginerani saqqummiunneqarumaarput.

## **13. Taasariaqartut allat**

Soqanngilaq.